

四庫全書

集部

欽定四庫全書

御定全唐詩卷三百六十五

劉禹錫

聽琴

一作聽
僧彈琴

禪思何妨在玉琴
眞僧不見聽時心
秋堂境寂夜方半
雲去蒼梧湘水深

魏宮詞二首

日晚長秋簾外報
望陵歌舞在明朝
添爐欲熱

一作欲
添爐火

熏衣麝憶得分時

一作明

不忍燒

日映西陵松栢枝下臺相顧一相思
朝來樂府長歌曲
唱著君王自作詞

楊枝詞二首

迎得春光先到來
淺黃輕綠映樓臺
只緣婀娜多情思
更被春風長倩猜

一作請按一作便被春風長挫摧

巫峽巫山楊柳多朝雲暮雨遠相和
因想陽臺無限事

為君回唱竹

一作柳

枝歌

竹枝詞二首

楊柳青青江水平，聞郎江上唱歌聲。東邊日出西邊雨，

道是無晴。

一作情

却

一作還

有晴。

一作情

楚水巴山江雨多，巴人能唱本鄉歌。今朝北客思歸去，
回入紇那披綠羅。

隄上行三首

酒旗相望大隄頭，堤下連橋堤上樓。日暮行人爭渡急，

槳聲幽

一作伊

輒滿中流。

江南江北望煙波入夜行人相應歌桃葉傳情竹枝怨
水流無限月明多

春堤繚繞水徘徊酒舍旗亭次第開日晚上樓

一作出簾

招

估客軻我大艑落颿來

踏歌詞

一作行

四首

春江月出大堤平堤上女郎連袂行唱盡新詞歡

一作看

不見紅霞映

一作影

樹鷓鴣鳴

桃蹊柳陌好經過燈下妝成月下歌為是襄王故宮地

至今猶自細腰多

此首一作張籍無題詩

新詞宛轉遞相傳
振袖傾鬟風露前
月落烏啼雲雨散

遊童陌上拾花鈿

日暮江頭

一作江南

聞竹枝南
人行樂北
人悲自從雪裏唱

新曲直到三春花盡時

步虛詞二首

阿母種桃雲海際
花落子成三

一作二

千歲海風

一作滄海

吹

折最繁枝
跪捧瓊

一作金

盤獻天帝

華表千年一鶴

一作鶴一

歸凝丹為頂雪為衣
星星仙語人

聽盡却向五雲翻翅飛

阿嬌怨

望見歲蕤舉翠華
試開金屋掃

一作鎖

庭花須臾宮女傳

來信言

一作云

幸平陽公主家

秋詞二首

自古逢秋悲寂寥
我言秋日勝春朝

一作橫

空一鶴排

雲上便引詩情到碧霄

山明水淨夜來霜數樹深紅出淺黃試上高樓清入骨
豈如春色嗾人狂

秋扇詞

莫道恩情無重來人間榮謝遞相催當時初入君懷袖
豈念寒爐有死灰

竹枝詞九首

并引

四方之歌異音而同樂歲正月余來建平里中兒
聯歌竹枝吹短笛擊鼓以赴節歌者揚袂睢舞以

曲多為賢聆其音中黃鍾之羽卒章激訐如吳聲
雖儻倖不可分而含思宛轉有淇澳之豔音昔屈
原居沅湘間其民迎神詞多鄙陋乃為作九歌到
於今荆楚歌舞之故余亦作竹枝九篇俾善歌者
颺之附于末後之聆巴歛知變風之自焉

白帝城頭春草生白鹽山下蜀江清南人上來歌一曲
北人莫上動鄉情

山桃紅花滿上頭蜀江春水拍山流花紅易衰似郎意

水流無限似儂愁

江上朱樓新雨晴
瀼西春水縠紋生
橋東橋西好楊柳
人來人去唱歌行

日出三竿春霧消
江頭蜀客駐蘭橈
憑一作欲寄狂夫書

一紙家住成都萬里橋

兩岸山花似雪開
家家春酒滿銀杯
昭君坊中多女伴
永安宮外踏青來

城西門前滯潏堆
年年波浪不能摧
一作推懊惱一作恨人

心不如石少時東去復西來

瞿塘嘈嘈十二灘人言

一作此中

道路古來難長恨人心不

如水等閒平地起波瀾

巫峽蒼蒼煙雨時清猿啼在最高枝箇裏愁人腸自斷
由來不是此聲悲

山上層層桃李花雲間煙火是人家銀釧金釵來負水
長刀短笠去燒畬

楊柳枝詞九首

塞北梅花羌笛吹淮南桂樹小山詞請君莫奏前朝曲
聽唱新翻楊柳枝

南陌東城春早時相逢何處不依依桃紅李白皆誇好
須得垂楊相發揮

鳳闕輕遮翡翠幃龍池遙望麴塵絲御溝春水相一作柳

輝映狂殺長安年少兒

金谷園中鶯亂飛銅駝陌上好風吹城中一作東桃李須

臾盡爭似垂楊無限時

花萼樓前初種時美人樓上闌腰肢如今拋擲長一作上

街裏露葉如啼欲向一作恨誰

煬帝行宮汴水濱數枝一作株楊一作殘柳不勝春晚一作昨

來風起花如雪飛入宮牆不見人

御陌青一作東門拂地垂千條金縷萬條絲如今綰一作縮作同

心結將贈行人知不知

城外春風吹一作滿酒旗行人揮袂日西時長安陌上無

窮樹唯有垂楊管別離

輕盈嫋娜占年華舞榭妝樓處處遮春盡絮花一作飛留
不得隨風好去落誰家

浪淘沙九首

九曲黃河萬里沙浪淘風簸自天涯如今直上銀河去

同到牽牛織女家

洛水橋邊春日斜碧流清一作輕淺見瓊砂無端陌上狂

風急驚起鴛鴦出浪花

汴水東流虎眼紋清淮曉色鴨頭春君看渡口淘沙處

渡却人間多少人

鸚鵡洲頭浪颭沙青樓春望日將斜
銜泥燕子爭歸舍

獨自狂夫不憶家

一作張籍詩

濯錦江邊兩岸花春風吹浪正淘沙
女郎剪下鴛鴦錦將向中流足晚霞

日照澄洲江霧開淘金

一作沙

女伴滿江隈美人首飾侯

王印盡是沙中浪底來

八月濤聲吼地來頭高數丈觸山回
湏臾却入海門去

捲起沙堆似雪堆

莫道讒言如浪深
莫言遷客似沙沉
千淘萬漉雖辛苦
吹盡狂沙始到金

流水淘沙不暫停
前波未滅後波生
令人忽憶瀟湘渚
回唱迎神三兩聲

洛中送韓七中丞之吳興口號五首

昔年意氣結羣英
幾度朝回一字行
海北江

一作天

南零

落盡兩人相見洛陽城

自從雲散各東西每日歡娛却慘悽離別苦多相見少

一生心事在書

一作詩題

今朝無意訴離杯何況清弦急管催本欲醉中輕遠別

不知翻引酒悲來

駱駝橋上蘋風急

一作起

鸚鵡杯中箸下春水碧山青知

好處開顏一笑向何人

溪中士女出芭籬溪上鴛鴦避畫旗何處人間似仙境

春山攜妓採茶時

送廖參謀東遊二首

九陌逢君又別離，行雲別鶴本無期。
望嵩樓上忽相見，看過花開花落時。

繁花落盡君辭去，綠草垂楊引征路。
東道諸侯皆故人，留連必是多情處。

洛中春末送杜錄事赴蘄州

樽前花下長相見，明日忽為千里人。
君過午橋回首望，

洛城

一作陽

猶自有殘春

夜燕福建盧侍郎

一作常侍

宅因送之鎮

暫駐旌旗洛水堤
綺筵紅燭醉蘭閨
美人美酒長相逐
莫怕猿聲發建溪

重送鴻舉師赴江陵謁馬逢侍御

西北秋風凋蕙蘭
洞庭波上碧雲寒
茂陵才子江陵住
乞取新詩合掌看

贈長沙讚頭陀

外道邪山千萬重
異言一發盡摧峰
有時明月無人夜

獨向昭潭制惡龍

送霄韻上人遊天台

一作寶
韻上人

曲江僧向松江見
又到天台看石橋
鶴戀故巢雲戀岫
比君猶自不逍遙

臺城懷古

清江悠悠王氣沉
六朝遺事何處尋
宮牆隱嶙圍野澤
鸛鷀夜鳴秋色深

戲贈崔千牛

學道深山許

一作虛

老人留名萬代不關身勸君多買長

安酒南陌東城占取春

揚州春夜李端公益張侍御登段侍御平路

一作

仲

容縣李少府暘秘書張正字復元同會於水

館對酒聯句追刻燭擊銅鉢故事遲輒舉觥以

飲之逮夜艾羣公沾醉紛然就枕余偶獨醒因

題詩於段君枕上以志其事

一作揚州春夜同會水館夜艾獨醒

寂寂獨看金燼落紛紛只見玉山頽自羞不是高陽侶

一夜星星

一作惺惺

騎馬回

逢王十二學士入翰林因以詩贈

時貞元二十二年以藍田

尉充學士

廐馬翩翩禁外逢
星槎上漢杳難從
定知欲報淮南詔
促召王褒入九重

闕下口號呈柳儀曹

綵仗神旗獵曉風
雞人一唱鼓蓬蓬

一作逢逢

銅壺漏水何

時歇如此相催即老翁

監祠夕月壇書事

其禮用畫

西皞司分晝夜平義和停午太陰生鏗鏘

一作鏘鏘

揖讓秋

光裏觀者如雲出鳳城

元和甲午歲詔書盡徵江湘逐客余自武陵赴

京宿於都亭有懷續來諸君子

雷

一作雲

雨江山

一作湖

起卧龍武陵樵客躡仙蹤十年

楚水楓林下今夜初聞長樂鐘

元和十一年自朗州召至京戲贈看花諸君子

紫陌紅塵拂面來，無人不道看花回。
玄都觀裏桃千樹，

盡是劉郎去

一作別

後栽

再遊玄都觀

并引

余貞元二十一年為屯田員外郎時此觀未有花
是歲出牧連州尋貶朗州司馬居十年召至京師
人人皆言有道士手植仙桃滿觀如紅霞遂有前
篇以志一時之事旋又出牧今十有四年復為主
客郎中重遊玄都觀蕩然無復一樹唯兔葵燕麥

動搖於春風耳因再題二十八字以俟後遊時大

和二年三月

百畝庭中半是苔桃花淨

一作開一作落

盡菜花開種桃道士

歸何處前度劉郎今又

一作獨來

與歌者米嘉榮

唱得涼

一作梁

州意外聲舊人唯數

一作有一作難數

米嘉榮近

來時世

一作年少

輕先

一作前

輩好染髭鬚事後生

一作一別嘉榮三十

載忽聞舊曲尚依然如今世俗輕前輩好染髭鬚事少年

望夫石

山正對和
州郡樓

終日望夫夫不歸化為孤石苦相思望來已是幾千載

一作
歲

只似當時

一作
年

初望時

聽舊宮中樂人穆氏唱歌

曾隨織女渡天河記得雲間第一歌休唱貞元供奉曲

當時

一作
如今

朝士已無多

金陵五題

并序

余少為江南客而未遊秣陵嘗有遺恨後為歷陽

守跂而望之適有客以金陵五題相示道爾生思
歎然有得他日友人白樂天掉頭苦吟歎賞良久
且曰石頭詩云潮打空城寂寞回吾知後之詩人
不復措辭矣餘四詠雖不及此亦不孤樂天之言
耳

石頭城

山圍故國周遭在潮打空城寂寞回淮水東邊舊時月
夜深還過女牆來

烏衣巷

朱雀橋邊野草花，烏衣巷口夕陽斜。舊時

一作來

王謝堂

前燕飛入尋常百姓家。

臺城

臺城六代競豪華，結綺臨春事最奢。萬戶千門成野草，
只緣一曲後庭花。

生公講堂

生公說法鬼神聽，身後空堂夜不扃。高坐寂寥塵漠漠，

一方明月可中庭

江令宅

南朝詞臣北朝客歸來唯見秦淮碧
池臺竹樹三畝餘
至今人道江家宅

韓信廟

將略兵機命世雄
蒼黃鍾

漢一作

室歎良弓遂令後代登

壇者每一尋思怕立功

李賈二大諫拜命後寄楊八壽州

諫省新登二直臣，萬方驚喜捧絲綸。則知天子明如日，

肯放淮南

一作陽

高卧人。

美溫尚書鎮定興元以詩寄賀

旌旗入境犬無聲，戮盡鯨鯢漢水清。從此世人開耳目，始知名將出書生。

酬瑞

一作端

州吳大夫夜泊湘川見寄一絕

夜泊湘川逐客心，月明猿苦血沾襟。湘妃舊竹痕猶淺，從此因君染更深。

徵還京師見舊番官馮叔達

前者匆匆襆被行十年憔悴到京城
南宮舊吏來相問何處淹留白髮生

與歌者何戡

二十餘年別帝京重聞天樂不勝情
舊人唯有何戡在更與殷勤唱渭城

與歌童田順郎

天下

一作上

龍

一作龍

歌御史娘花前葉

一作月

底奉君王九

重深處無人見分付新聲與順郎

燕爾館破屏風所畫至精人多歎賞題之

畫時應遇空亡日賣處難逢識別

去聲

人唯有多情往來

客強將衫袖拂埃塵

賞牡丹

庭前芍藥妖無格池上芙蓉淨少情唯有牡丹真國色
花開時節動京城

題歌器圖

秦國功成思稅駕晉臣名遂歎危機無因上蔡牽黃犬
願作丹徒一布衣

傷桃源薛道士

一作尊師

壇邊松在鶴巢空白鹿閒行舊徑中手植紅桃千樹發
滿山無主任春風

王思道碑堂下作

蒼蒼宰樹起寒烟尚有威名海內傳四府舊聞多故吏
幾人垂淚拜碑前

傷愚溪三首

并引

故人柳子厚之謫永州得勝地結茅樹蔬為沼汙
為臺榭曰愚溪柳子沒三年有僧遊零陵告余
曰愚溪無復曩時矣一聞僧言悲不能自勝遂以
所聞為七言以寄恨

溪水悠悠春自來草堂無主燕飛回
隔簾唯見中庭草
一樹山榴依舊開

草聖數行留壞壁木奴千樹屬鄰家
唯見里門通德勝

殘陽寂寞出樵車

柳門竹巷依依在野草青苔日日

一作月

多縱有鄰人解

吹笛山陽舊侶

一作里

更誰過

傷循州渾尚書

貴人淪落路人哀碧海

一作水

連天丹旆回遙想長安此

時節朱門深巷百花開

代靖安佳人怨二首

并引

靖安丞相武公居里名也元和十一年六月公將

朝夜漏未盡三刻騎出里門遇盜斃于牆下初公
為郎余為御史繇是有舊故今守遠服賤不可以
誄又不得為歌詩聲于楚挽故代作佳人怨以裨
於樂府云

寶馬鳴珂踏曉塵魚文匕首犯車茵適來行哭里門外
昨夜華堂歌舞人

秉燭朝天遂不回路人彈指望高臺牆東便是傷心地

夜夜流

一作秋

螢飛去來

碧澗寺見元九侍御和展上人詩有三生之句

因以和

廊下題詩滿壁塵塔前松樹已皴鱗古來唯有王文度
重見平生竺道人

思黯南墅賞牡丹

偶然相逢人間世合在增城阿姥家有此傾城好顏色
天教晚發賽諸花

和浙西尚書聞

此一無

常州楊給事製新樓因寄

之作

文昌

一作章

星

一作新

象盡東來油幕朱門次第開且上新

樓看風月會乘雲雨一時回

尚書在南宮為左丞給事與禹錫皆是郎吏

後梁宣明二帝碑堂下作

玉馬朝周從此辭園陵寂寞對豐碑千行宰樹荊州道

暮雨蕭蕭聞子規

贈李司空妓

一作禹錫赴吳臺揚州大司馬杜公鴻漸聞宴命妓侍酒 本事詩

云李紳罷鎮在京幕劉名嘗邀至第中厚設飲饌酒酣命妓妙歌以送之劉於席上賦詩李因

以妓贈之 崔令欽教坊記云
杜韋娘歌曲名非妓姓名也

高髻雲鬟

一作髮鬢梳頭
一作髻髻梳頭

宮樣妝春風一曲杜韋娘司

空見慣渾閒事斷盡

一作
惱亂

蘇州刺史腸

和西川李尚書傷孔雀及薛濤之什

玉兒已逐金鑲葬翠羽先隨秋草萎唯見芙蓉含曉露

數行紅淚滴清池

後魏元樹南陽王禧之子南陽到建業數年後北歸愛姬朱玉兒脫金指

鑲為贈樹至魏却以指
鑲寄玉兒示有還意

同樂天登棲靈寺塔

步步相攜不覺難
九層雲外倚闌干
忽然笑語半天上
無限遊人舉眼看

有所嗟二首

一作元稹詩
題作所思

庾令樓中初見時
武昌春柳似腰肢
相逢相笑一作失盡

如夢為雨為雲
今不知

鄂渚濛濛烟雨微
女郎魂逐暮雲歸
只應長在漢陽渡
化作鴛鴦一隻飛

和裴相公傍水閒行

為愛逍遙第一篇時時閒步賞風烟看花臨水心無事
功業成來二十年

杏園花下酬樂天見贈

二十餘年作逐臣歸來還見曲江春遊人莫笑白頭醉

老醉花間有

一作能幾人

和樂天春詞

新妝面

一作粉

面下朱樓深鎖春光一院愁行到中庭數

花朵蜻蜓飛上玉搔頭

和嚴給事聞唐昌觀玉藥花下有游仙一作二仙游

絕

玉女來看玉藥花
異香先引七香車
攀枝弄雪時迴顧
驚怪人間日易斜

雪藥瓊絲

一作葩

滿院春衣輕步步

一作羽衣輕步

不生塵君平

簾下徒相問
長伴吹簫別有人

憶樂天

尋常相見意殷勤
別後相思

一作思量

夢更頻
每遇登臨好

風景羨他天性少情人

醉答樂天

洛城洛城何日歸故人故人今轉稀
莫嗟雪裏暫時別終擬雲間相逐飛

虎丘寺見元相公二年前題名愴然有詠

前年
滄橋

送之
武昌

滄水送君君不還見君題字虎丘山
因知早貴兼才子不得多時在世間

寄贈小樊

花面了頭十三四春來綽約向人時終湏買取名

一作多

春草處處將行

一作來一作相將

步步隨

吟樂天自問愴然有作

親友關心皆不見風光滿眼倍

一作獨

傷神洛陽城裏多

池館幾處花開有主人

和令狐相公別牡丹

平章宅裏一欄花臨到開時不在家莫道兩京非遠別

春明門外即天涯

和令狐相公聞思帝鄉有感

一本題上有遙字

當初造曲者為誰說得思鄉戀闕時
滄海西頭舊丞相

停杯處分

上聲

不須吹

酬令狐相公見寄

羣玉山頭住四年
每聞笙鶴看諸仙
何時得把浮丘袖

白日將昇第九天

令狐相公春思見寄

一紙書封四句詩
芳晨對酒遠相思
長吟盡日西南望
猶及殘春花落時

城內花園頗曾遊
翫令公居守亦有素
期適春霜一夕委
謝書實以荅令狐
相公見諠

樓下芳園最占春
年年結侶採花頻
繁霜一夜相撩治
不似佳人似老人

奉和裴晉公涼風亭睡覺

驪龍睡後珠元在
仙鶴行時步又輕
方寸瑩然無一事

水聲來似玉琴聲

荅裴令公雪中訝白二十二與諸公不相訪之

什

玉樹瓊樓滿眼新的知開閣待諸賓遲遲未

一作來

去非

無意擬作梁園坐右人

吳方之見示聽江西故吏朱幼恭歌三篇頗有

懷故林之想吟諷不足因而和之

一作和人憶江西故吏歌

侯家故吏歌聲發逸處能高怨處低今歲洛中無雨雪

眼前風景是江西

裴令公見示誚樂天寄奴買馬絕句斐然仰和

且戲樂天

常奴安得似方回爭望追風絕足來若把翠娥酬騷耳

一作始知天下有奇才

酬思黯代書見戲

一作酬牛相見寄

官冷如漿病滿身凌寒不易過

一作過

天津少年留取

一作

守多情興請待花時作主人

答張侍御賈喜再登科後自洛赴上都贈別

又被時人寫姓名春風引路入京城知君憶得前身事
分付鶯花與後生

赴連州途經洛陽諸公置酒相送張員外賈以
詩見贈率爾酬之

謫在三湘最遠州邊鴻不到水南流如今暫寄樽前笑
明日辭君步步愁

贈元九侍御文石枕以詩獎之

文章似錦氣如虹
宜薦華簪綠殿中
縱使涼飈生旦夕
猶堪拂拭愈頭風

酬元九院長自江陵見寄

無事尋花至仙境
等閒栽樹比封君
金門通籍真多士
黃紙除書每日聞

酬楊侍郎憑見寄

翔鸞闕底謝皇恩
纓上滄浪舊水痕
疎傅揮金忽相憶
遠攀長句與招魂

酬馬大夫登涇口戍見寄

一作酬海南馬大夫
一作涇口一作涇口

新辭將印拂朝纓臨水登山四體輕
猶念天涯未歸客瘴雲深處守孤城

答楊八敬之絕句

楊時亦
謫居

飽霜孤竹聲偏切帶火焦桐韻本悲
今日知音一留聽

是君心事

一作手

不平時

重寄表臣二首

對酒臨流奈別何君今已醉

一作貴

我蹉跎分明記取星

星鬢他日相逢應更多

世間人事有何窮，過後思量盡是空。
早晚同歸洛陽陌。

卜隣湏

一作顯

近祝雞翁

重寄絕句

一作寄唐州楊八

淮西既是平安地，鴉路今無羽檄飛。
聞道唐州最清靜。

戰場耕盡野花稀。

酬楊八副使將赴湖南途中見寄一絕

知逐征南冠楚材，遠勞書信到陽臺。
明朝若上

一作到
君

山上

一作望

一道巴江自此來

遙和韓睦州元相公二君子

玉人紫綬相輝映却要霜鬚

一作髯

一兩莖其奈無成空

老去每臨明鏡若為情

吳興敬郎中見惠斑竹杖兼示一絕聊以謝之

一莖炯炯琅玕色數節重重玳瑁文
拄到高山未登處

青雲路上願逢君

奉和裴令公夜宴

天下蒼生望不休東山雖有但時游從一作後來海上仙

桃樹肯逐人間風露秋

秋夜安國觀聞笙

織女分明銀漢秋
桂枝梧葉共飈飈
月露滿庭人寂寂
霓裳一曲在高樓

酬僕射牛相公晉國池上別後至甘棠館忽夢
同游因成口號見寄

已嗟池上別魂驚
忽報夢中攜手行
此夜獨歸還乞夢

老人無睡到天明

裴侍郎大尹雪中遺酒一壺兼示喜眼疾平一
絕有閒行把酒之句斐然仰酬

卷盡輕雲月更明金篦不用且閒行若傾家釀招來客
何必池塘春草生

和滑州李尚書上巳憶江南禊事

白馬津頭春日遲沙州歸鴈拂旌旗柳營唯有軍中戲
不似江南三月時

酬柳柳州家雞之贈

日日臨池弄小雛
還思寫論付官奴
柳家新樣元和腳

且盡薑芽斂

一作劍

手徒

荅前篇

小兒弄筆不能嗔
浣壁書窓且當一作賞
勤聞彼夢熊猶

未兆女中誰是衛夫人

荅後篇

昔日慵工記姓名
遠勞辛苦寫西京
近來漸有臨池興

為報元常欲抗行

重答柳柳州

弱冠同懷長者憂臨岐回想盡悠悠耦耕若便遺身老
黃髮相看萬事休

登清暉

一作樓

潯陽江色潮添滿彭蠡秋聲鴈送來南望廬山千萬仞
共誇新出棟梁材

赴和州於武昌縣再遇毛仙翁十八兄因成一

絕

武昌山下蜀江東
重向仙舟見葛洪
又得案前親禮拜
大羅天訣玉函封

寄毘陵楊給事三首

揮毫起制來東省
躡足修名謁外臺
好著橐鞬莫惆悵
出丈入武是全才

曾主魚書輕刺史
今朝自請左魚來
青雲直上無多地
却要斜飛取勢回

東城南陌昔同游坐上無人第二流屈指如今已零落

且須歡喜

一作笑

作鄰州

陪崔大尚書及諸閣老宴杏園

更將何面上春臺百事無成老又催唯有落花無俗態
不嫌憔悴滿頭來

曹剛

大弦嘈囀小弦清噴雪含風意思生一聽曹剛彈薄媚
人生不合出京城

寄湖州韓中丞

老郎日日憂蒼鬢
遠守年年厭白蘋
終日相思不相見

長頻

願一作

相見是何人

楊柳枝

揚子江頭烟景迷
隋家宮樹拂金堤
嵯峨猶有一作是當

時色半蘸波中水
鳥棲

田順郎歌

清歌不是世間音
玉殿嘗聞一作開稱主心
唯有順郎全

欽定四庫全書

御定全唐詩

卷二百六十五

三十

學得一聲飛出九重深

夜聞商人船中箏

大艚高帆一百尺新聲促柱十三弦揚州市裏商人女

來占江西明月天

聞道士彈思歸引

仙公

一作翁

一奏思歸引逐客初聞自泣然莫怪殷勤悲

此曲越聲長苦已三年

喜康將軍見訪

謫居愁寂似幽棲
百草當門茅舍低
夜獵將軍忽相訪
鷓鴣驚起統離啼

贈劉景擢第

湘中才子是劉郎
望在長沙住桂陽
昨日鴻都新上第
五陵年少讓清光

赴連山途次德宗山陵寄張員外

常時並冕奉天顏
委佩低簪彩仗間
今日獨來張樂地
萬重雲水望橋山

嘗茶

生拍芳叢鷹觜芽
老郎封寄謫仙家
今宵更有湘江月
照出菲菲滿盃花

梁國祠

梁國三郎威德尊
女巫簫鼓走鄉村
萬家長見空山上
雨氣蒼茫生廟門

望洞庭

湖光秋月兩相和
潭面無風鏡未磨
遙望洞庭山水翠

翠色一作山

白銀

一作雲

盤裏一青螺

楊柳枝

春江一曲柳千條
二十年前舊板橋
曾與美人橋上別
恨無消息到今朝

樓上

江上樓高二十梯
梯登徧與雲齊
人從別浦經年去
天向平蕪盡處低

洛濱病卧戶部李侍郎見惠藥物謔以丈星之

句斐然仰謝

隱几支頤對落暉故人書信到柴扉
周南留滯商山老星象如今屬少微

故洛城古牆

粉落椒飛知幾春風吹雨灑旋成塵
莫言一片危基在猶過無窮來往人

句

湖上收宿雨故國思如此若為天外心

寄白公竝見張為主客圖

東屯滄海濶南讓洞庭寬


秋水詠見紀事

翠粒照晴露

見侯鯖錄

銀花垂院榜翠羽撼條鈴

雪見天中記



御定全唐詩卷三百六十五

欽定四庫全書

集部

御定全唐詩卷三百

六十六至
七十一

詳校官庶吉士臣胡鈺

主事銜臣徐以坤覆勘

總校官知縣臣繆琪

校對官學正臣李巖

謄錄監生臣黃嵩齡

欽定四庫全書

御定全唐詩卷三百六十六

張弘靖

張弘靖字元理蒲州人嘉貞之孫延賞之子以蔭為河
南參軍擢監察御史累遷戶部侍郎河中節度使元和
中拜刑部尚書同中書門下平章事封高平縣侯出為
太原節度使終太子少師詩一首

山亭懷古

叢石依古城懸泉灑清池高低表丈內衡霍相蔽虧歸
田竟何因為郡豈所宜誰能辨人野寄適聊在斯

韓察

韓察官歷太原節度判官侍御史明州刺史詩一首

和張相公太原山亭懷古詩

公府政多暇思與仁智全為山想嵒穴引水聽潺湲軒
冕迹自逸塵俗無由牽蒼生方矚望詎得賦歸田

崔恭

崔恭官歷太原節度副使檢校右散騎常侍汾州刺史
詩一首

和張相公太原山亭懷古詩

高情樂閒放寄跡山水中朝霞鋪座右虛白貯清風潛
竇激飛泉石路躋且崇步武有勝槩不與俗情同

陸渥

陸渥登貞元元年進士第官給事中詩一首

和張相公太原山亭懷古詩

激水瀉飛瀑寄懷良在茲如何謝安石要結東山期入
座蘭蕙馥當軒松桂滋於焉悟幽道境寂心自怡

胡證

胡證字啟中河東人舉進士第累官金吾大將軍嶺南
節度使詩一首

和張相公太原山亭懷古詩

飛泉天台狀峭石蓬萊姿潺湲與青翠咫尺當幽奇居
然盡精道得以書妍詞豈無他山勝懿此清軒墀

句

詩書入京國旌旆過鄉關

因話錄云證拜振武節度使道河中時趙宗儒為帥證備

桑梓禮入謁持刺稱百姓獻趙公詩云云州里榮之

張賈

張賈弘靖之從姪官至兵部尚書詩二首

和太原山亭懷古詩

中庭起崖谷漱玉下漣漪丹丘誰云遠寓象得心期豈
不貴鍾鼎至懷在希夷唯當蓬萊閣靈鳳復來儀

和襄司空答張秘書贈馬詩

閣下從容舊客卿寄來駿馬賞高情

司空詩云古寺間行獨與君

任

追煙景騎仍醉知有文章倚便成步步自憐春日影蕭蕭猶起朔風聲須知上宰吹噓意送入天門上路行

句

夫子生知者相期妙理中

送劉禹錫發華州

張文規

張文規弘靖之子嘗為吳興守終桂管防禦觀察使詩

二首

吳興三絕

蘋洲須覺池沼俗
芋布直勝羅紈輕
清風樓下草初出
明月峽中茶始生
吳興三絕不可捨
勸子強為吳會行

湖州貢焙

一本此下有
看發二字

新茶

鳳輦尋春半醉回
僊娥進水御簾開
牡丹花笑金鈿動
傳奏吳興紫筍來

句

誰云隼旗吏長對虎頭岩

見吳興掌故

御定全唐詩卷三百六十六

欽定四庫全書

御定全唐詩卷三百六十七

張仲素

張仲素字繪之河間人憲宗時為翰林學士後終中書舍人詩一卷

緱山鶴

羽客驂仙鶴將飛駐碧山映松殘雪在度嶺片雲還清
唳因風遠高姿對水閒笙歌憶天上城郭歎人間幾變

霜毛潔方殊藻質斑迢迢煙路逸奮翮詎能攀

夜聞洛濱吹笙

王子十年後笙音五

一作午

夜聞逶迤繞清洛斷續下仙

雲泄泄飄難定啾啾曲未分松風助幽律波月動輕文
鳳管聽何遠鸞聲若在羣暗空思羽蓋餘氣自氛氲

上元日聽太清宮步虛

仙客開金籙元辰會玉京靈歌宿紫府雅韻出層城磬
雜音徐徹風飄響更清紆餘空外盡斷續聽中生舞鶴

紛將集流雲住未行誰知九陌上塵俗仰遺聲

玉繩低建章

迢迢玉繩下芒彩正闌干稍復臨鵲方疑近露寒微
明連粉堞的皪映仙盤橫接河流照低將夜色殘天榆
隨影沒宮樹與光攢遐想西垣客長吟欲罷難

寒雲輕重色

佳期當可許託思望雲端鱗影朝猶落繁陰暮自寒因
風方嫋嫋間石已漫漫隱映看鴻度霏微覺樹攢凝空

多似黛引素乍如紈每向愁中覽含毫欲狀難

聖明樂

一作朝

九陌祥煙合千春瑞月明宮花將苑柳先發鳳皇城

獻壽詞

玉帛殊方至歌鐘比屋聞華夷

今一作同

一貫同

一作共

賀

聖朝君

宮中樂五首

網戶交如綺紗窗薄似煙樂吹天上曲人是月中仙

翠匣開寒鏡珠釵挂步搖妝成祇畏曉更漏促春宵

一作

霄

紅果瑤池實金盤露井冰甘泉將避暑臺殿曉

一作水

光

凝

月采浮鸞殿砧聲隔

一作繞

鳳樓笙歌臨水檻紅燭乍迎

秋

奇樹留寒翠神池結夕波黃山一夜雪渭水瀉

一作鴈

聲

多

春遊曲三首

煙柳飛輕絮，風榆落小錢。
濛濛百花裏，羅綺競鞦韆。

騁望登香閣，爭高下砌臺。
林間踏青去，席上寄牋來。

一作意錢

來

行樂三春節，林花百和香。
當年重意氣，先占鬪雞場。

春閨思

裊裊城邊柳，青青陌上桑。
提籠忘采葉，昨夜夢漁陽。

春江曲二首

家寄征河

一作江

岸征人幾歲遊不如潮水信每日到沙

頭

乘曉南湖去參差疊浪橫前洲在何處霜

一作霧

裏鴈嚶

嚶

太平詞

聖德超千古皇威靜四方蒼生今息戰無事覺時良

一作

長

隴上行

行到黃雲隴唯聞羌戍輦不如山下水猶得任東西

思君恩

紫禁香如霧青天月似霜雲韶何處奏祇是在朝陽

王昭君

仙娥今下嫁驕子自同和劒戟歸田盡牛羊繞塞多

秋夜曲

丁丁漏水夜何長漫漫輕雲露月光秋逼暗蟲通夕響

征衣未寄莫飛霜

秋思贈遠

博山沉燎絕餘香
蘭燼金檠怨夜長
為問青青河畔草
幾回經雨復經霜

塞上曲

卷旆生風喜氣新
早持龍節靜邊塵
漢家天子圖麟閣
身是當今第一人

塞下曲五首

三戍漁陽再渡遼
駢弓在臂劒橫腰
匈奴似若

一作知欲似

名姓休傍陰山更射鵰

獵馬千行

一作群

鴈幾雙燕然山下碧油幢傳聲漠北單

于破火照旌旗夜受降

朔雪飄飄開鴈門平沙歷亂卷

一作瘞

蓬根功名耻計

一作

記擒生數直斬樓蘭報國恩

隴水潺湲隴樹秋征

一作無

人到此淚雙流鄉關萬里無

因見西戍河源早晚休

一作叔

陰磧茫茫塞草肥

一作腓

枯槔烽上暮雲

一作烟

飛交

一作關

河北望天連海蘇武曾將漢節歸

秋

一本有閨字

思二首

碧窗斜日

一作月

鵲深暉愁聽寒蟬淚濕衣夢裏分明見

關塞不知何路向金微

秋天一夜靜無雲斷續鴻聲到曉聞欲寄征衣問消息
居延城外又移軍

漢苑行二首

回鴈高飛

一作風高一作高翻

太液池新花低發上林枝年光到

處皆堪賞春色人間總不一作未知

春風淡蕩

一作澹澹

景悠悠鶯囀高枝燕入樓千步回廊聞

鳳吹珠簾處處上銀鈎

天馬詞二首

天馬初從渥水來郊歌曾唱得

一作歌曾唱得渥

龍媒不知玉

塞沙中路首宿殘花幾處開

躑躅

一作躑躅

宛駒齒未齊擬金噴玉向風嘶來時欲

一作行

盡金河道獵獵輕風在碧蹄

燕子樓詩三首

一作闕
盼盼詩

樓上殘燈伴曉霜，獨眠人起合歡床。
相思一夜情多少，地角天涯不是長。

北邙松柏鎖愁煙，燕子樓人思悄然。
自埋劍履歌塵散，紅袖香消已十年。

適省鴻鴈岳陽回，又覩玄禽逼社來。
瑤瑟玉簫無意緒，任從蛛網任從灰。

御定全唐詩卷三百六十七

欽定四庫全書

御定全唐詩卷三百六十八

庾承宣

庾承宣貞元十年及第太和中終檢校吏部尚書天平
軍節度使詩一首

賦得冬日可愛

宿霧開天霽寒郊見初日林疎照逾遠冰輕影微出豈
假陽和氣暫忘玄冬律愁抱望自寬羈情就如失欣欣

事幾許瞳瞳狀非一傾心儻知期良願自茲畢

鄭澣

鄭澣餘慶之子貞元十年舉進士第為右補闕敢言無
所諱文宗時入翰林為侍講學士累進尚書左丞出為
山南西道節度使俄以戶部尚書召未拜卒謚曰宣集
三十卷今存詩五首

贈毛仙翁

至道無名至人長生爰觀繪事似挹真形方口渥丹濃

眉刷青松姿本秀鶴質自輕道德神仙內蘊心靈紅肌
絲髮外彰華精色如含芳貌若和光胚渾造化含吐陰
陽吾聞安期隱見不常或在世間或遊上蒼猗歟真人
得非後身寫此仙骨久而不磷皎皎明眸瞭然如新藹
藹童顏的然如春金石可並丹青不泯通天臺上有見
常人俗士觀瞻方悟幽塵君子圖之敬兮如神

和李德裕遊漢州房公湖二首

太尉留琴地時移重可尋
徽弦一掩抑風月助登臨
榮

駐青油騎高張白雪音祗言酬唱美良史記王箴

靜對煙波夕猶思棟宇清臥龍空有處馴鳥獨忘情顧
步襟期遠參差物象橫自宜雕樂石爽氣際青城

中書相公任兵部侍郎日後閣植四松逾數年
澣忝此官因獻拙什

丞相當時植幽襟對此開人知舟楫器天假棟梁材錯
落龍鱗出襪襪鶴翅迴重陰羅武庫細響靜山臺得地
公堂裏移根澗水隈吳臣夢寐遠秦嶽歲年推轉覺飛

纓繆何因繼組來幾尋珠履迹願比角弓培栢悅猶依
社星高久照台後凋應共操無復問良媒

和李德裕房公舊竹亭聞琴

石室寒飈驚孫枝雅器裁坐來山水操弦斷吊遺埃

句

但慮彩色汚無虞臂胛肥

段成式記長安菩薩寺有畫維摩變為俗講僧文淑裝之

筆跡盡矣故興元鄭尚書題句云云

張彙

一作彙征

張彙貞元十年進士詩三首

遊棲霞寺

躋險入幽林，翠微含竹殿。
泉聲無休歇，山色時隱見。
潮來雜風雨，梅落成霜霰。
一從方外遊，頓覺塵心變。

春風扇微和

木德生和氣，微微入曙風。
暗催南向葉，漸翦北歸鴻。
澹蕩侵冰谷，悠揚轉蕙叢。
拂塵迴廣路，泛籟過遙空。
暖上煙光際，雲移律候中。
扶搖如可借，從此戾蒼穹。

觀藏冰

寒氣方窮律陰精正結冰體堅風帶壯影素月臨凝冬
賦凌人掌春期命婦昇鑿來壺色徹納處鏡光澄魯史
曾留問幽詩舊見稱同觀里射享王道頌還興

陳通方

陳通方閩縣人貞元十年登第王播薦為江西院官詩
二首

賦得春風扇微和

習習和風扇悠悠淑氣微陽升知候改律應喜春歸池
柳晴初折林鶯暖欲飛川原浮彩翠臺館動光輝泛豔
搖丹闕揚芳入粉闌發生當有分枯朽幸因依

金谷園懷古

緩步洛城下軫懷金谷園昔人隨水逝舊樹逐春繁冉
冉搖風弱菲菲裛露翻歌臺豈易見舞袖乍如存戲蝶
香中起流鶯暗處喧徒聞施錦帳此地擁行軒

句

應念路傍憔悴翼昔年喬木幸同遷

紀事云通方登第與王播同年播年

五十六通方甚少因期集撫播背曰王老奉贈一第言具日暮途遠及第同贈官也播恨之後通方丁家艱辛苦萬狀播為正郎判鹽鐵通方窮悴求之即不甚給時李虛中為副使通方以詩求為汲引云云播不得已薦

為江西
院官

李應

李應貞元十一年登進士第詩一首

立春日曉望三素雲

玄鳥初來日靈仙望裏分冰容朝上界玉輦擁朝雲碧

落流輕艷紅霓間彩文帶煙時縹緲向斗更氤氲鬢
隨風馭迢遙出曉零茲辰三見後希得從元君

陳師穆

陳師穆貞元十一年進士第詩一首

立春日曉望三素雲

晴曉初春日高心望素雲彩光浮玉輦紫氣隱元君縹
緲中天去逍遙上界分鸞驂攀不及仙吹遠難聞禮候
於斯覩明循在解紛人歸懸想處霞色自氤氲

李季何

李季何貞元十一年進士第詩一首

立春日曉望三素雲

靄靄青春曙飛仙駕五雲浮輪初縹緲承蓋下氤氲薄
影隨風度殊容向日分羽毛紛共遠環珮杳猶聞靜合
煙霞色遙將鸞鶴羣年年瞻此節應許從元君

李程

李程字表臣隴西人貞元十二年登進士第累辟使府

為監察御史充翰林學士元和中知制誥拜禮部侍郎
敬宗即位以吏部侍郎同平章事後罷為河東節度使
程在翰苑日過八塲乃至時號八塲學士詩五首

春臺晴望

曲臺送春日

一作日

景物麗新晴靄靄煙收翠忻忻木向

榮靜看遲日上閒爰野雲平風慢遊絲轉天開遠水明
登高塵慮息觀微道心清更有遷喬意翩翩出谷鶯

玉壺冰

一作詠
冰壺

琢玉性惟堅成壺體更圓虛心含萬象應物受寒泉溫

潤資天質清貞

一作真

稟自然日融光乍

一作自

散雪照

一作作

映

色逾鮮至鑒功寧宰無私照豈偏明將水鏡對白與

粉闌連拂拭終為美提攜佇見傳勿令毫髮累遺恨鮑

公

一作綴成篇

賦得竹箭有筠

常愛凌寒竹堅貞可喻人能將先進禮義與後凋鄰冉
冉猶全節青青尚有筠陶鈞二儀內柯葉四時春待鳳

花仍吐停霜色更新方持不易操對此欲觀身

觀慶雲圖

五雲從表瑞藻繪宛成圖柯葉何時改丹青此不渝非
煙色尚麗似蓋狀應殊渥彩看猶在輕陰望已無方將
遇翠幄那羨起蒼梧欲識從龍處今逢聖合符

贈毛仙翁

茫茫塵累愧腥羶強把蜉蝣望列仙閒指紫霄峯下路
却歸白鹿洞中天吹簫鳳去一作丹鳳經何代如玉方傳一作

麟黃得幾年他日更來人世看又應東海變桑田

高一作喬弁

高弁貞元十二年進士第詩一首

省試春臺晴望

層臺聊一望遍賞帝城春風煖聞啼鳥冰開見躍鱗晴
山煙外翠香藥日邊新已變青門柳初銷紫陌塵金湯
千里國車騎萬方人此處雲霄近憑高願致身

席夔

席夔貞元十二年宏詞及第詩二首

霜菊

時令忽已變行看被霜菊可憐後時秀當此凜風肅淅
瀝翠枝翻淒清金蕊馥凝姿節堪重澄艷景非淑寧祛
青女威願盈君子掬持來泛樽酒永以照幽獨

賦得竹箭有筠

共愛東南美青青歎有筠貞姿衆木異秀色四時均枝
葉當無改風霜豈憚頻虛心如待物勁節自留春鮮潤

期棲鳳嬋娟可並人可憐初擗卷粉澤更宜新

李行敏

李行敏貞元十二年宏詞登第詩一首

省試觀慶雲圖

縑素傳休祉丹青狀慶雲非烟凝漠漠似蓋乍紛紛尚
駐從龍意全舒捧日文光因五色起影向九霄分裂素
觀嘉瑞披圖賀聖君寧同窺汗漫方此覩氛氲

陳諷

陳諷貞元十年擢進士第詩一首

賦得冬日可愛

一作張
正元詩

寒日臨清晝寥天一望時未消埋逕雪先暖讀書帷屬
思光難駐舒情影若遺晉臣曾比德謝客昔言詩散彩
寧偏照流陰信不追餘輝如可就迴燭幸無私

崔護

崔護字殷功博陵人貞元十二年登第終嶺南節度使
詩六首

郡齋三月下旬作

以下三首一作張又新詩

春事日已歇池塘曠幽尋殘紅披獨墜嫩綠間淺深
偃仰捲芳褥顧步愛新陰謀春未及竟夏初遽見侵

五月水邊柳

結根挺涯涘垂影覆清淺
睡臉寒未開嬾腰晴更軟
搖空條已重拂水帶方展
似醉煙景凝如愁月露泣
絲長魚悞恐枝弱禽驚踐
長別幾多情含春任攀蹇

三月五日陪裴大夫泛長沙東湖

上已餘風景芳辰集遠坳綵舟浮泛蕩繡轂下娉婷林
樹迴蔥蒨笙歌入杳冥湖光迷翡翠草色醉蜻蜓鳥弄
桐花日魚翻穀雨萍從今留勝會誰省畫蘭亭

山雞舞石鏡

廬峯開石鏡人說舞山雞物象纖無隱禽情祇自迷景
當煙霧歇心喜錦翎齊宛轉鳥呈彩婆娑鳳欲棲何言
資羽族在地得天倪應笑翰音者終朝飲敗醯

題都城南莊

去年今日此門中人面桃花相映紅人面不知

一作抵今何

處在桃花依舊笑春風

太平廣記云初護舉進士不第清明獨遊都城南得村居花木

叢萃叩門久有女子自門隙問之對曰尋春獨行酒渴求飲女子啟關以盂水至獨倚小桃柯佇立而意屬殊厚崔辭起送至門如不勝情而入後絕不復至及來歲清明徑往尋之戶扃無人因題此詩于左扉後數日復往尋之有老父出曰吾女笄年知書未適人自去年已來常恍惚若有所失比日與之出及歸見左扉有字讀之入門而病遂絕食數日死得非君耶殺吾女持崔大哭崔感慟請入臨見其女儼然在牀舉其首枕其股哭而祝曰某在斯須臾開目復活老父大喜遂以女歸之

晚雞

黯黯嚴城罷鼓鼙
數聲相續出寒棲
不嫌驚破紗窗夢
却恐為奴半夜啼

御定全唐詩卷三百六十八

欽定四庫全書

御定全唐詩卷三百六十九

李翱

李翱字習之中貞元進士第調校書郎元和初為國子
博士史館修撰遷考功員外郎除朗廬二州刺史入為
諫議大夫知制誥改中書舍人會昌中終山南東道節
度使詩七首

贈藥山高僧惟儼二首

時刺朗州 一本無二
首二字第二首題云再

贈

練得身形似鶴形
千株松下兩函經
我來問道無餘說
雲在青霄水在瓶

選得幽居愜野情
終年無送亦無迎
有時直上孤峯頂
月下披雲嘯一聲

贈毛仙翁

紫霄仙客下三山
因救生靈到世間
龜鶴計年承甲子
冰霜為質駐童顏
韜藏休咎傳真籙
變化榮枯試小還

從此便教塵骨貴九霄雲路願追攀

拜禹歌

并序

貞元十五年六月二十九日隴西李翱敬拜於禹之堂下自賓階升北面立弗敢歎弗敢祝弗敢祈
退降復敬再行哭而歸且歌曰

惟天地之無窮兮哀人生之常勤往者吾弗及兮來者
吾弗聞已而已而

廣慶寺

傳者不足信見景勝如聞一水遠赴海兩山高入雲魚
龍晴自戲猿狖晚成羣醉酒斜陽下離心草自薰

奉酬劉言史宴光風亭

閨餘春早景沈沈楔飲風亭恣賞心紅袖青娥留永夕
漢陰寧肯羨山陰

戲贈詩

縣君好磚渠繞水恣行游鄙性樂疎野鑿地便成溝兩
岨值芳草中央漾清流所尚既不同磚鑿可自修從他

後人見境趣誰為幽

皇甫湜

皇甫湜字持正新安人元和中擢進士第為陸渾尉仕至工部郎中裴度辟為判官集三卷今存詩三首

題浯溪石

次山有文章可惋只在碎然長於指叙約潔有餘態心語適相應出句多分外於諸作者間拔戟成一隊中行雖富劇粹美若一作君可蓋子昂感遇佳未若君雅裁退

之全而神上與千載對李杜才海翻高下非可槩文與

一作於

一氣間為物莫與大先王路不荒豈不仰吾輩石

屏立衙衙溪口揚素瀨我思何人知徒倚如有待

石佛谷

漫澶太行北千里一塊石平腹有壑谷深廣數百尺土
僧何為者老草毛髮白寢處容身龕足膝隱成跡金僊
啄靈象相好倚北壁花座五雲扶玉毫六虛射丈人留
紀述時事可辨析鳥跡巧均分龍骸極癯瘠枯松間槎

耕猛獸恣騰擲蝓蟲食縱

一作蹤

懸垂露凝滴精藝貫

古今窮巖誰愛惜託師禪誦餘勿使塵埃積

出世篇

生當為大丈夫斷羈羅出泥塗四散號呶擾俶無隅埋
之深淵飄然上浮騎龍披青雲汎覽遊八區經太山絕
大海一長吁西摩月鏡東弄日珠上括天之門直指帝
所居羣仙來迎塞天衢鳳皇鸞鳥燦金輿音聲嘈嘈湍
太虛旨飲食兮照庖厨食之不飫飫不盡使人不陋復

不愚旦旦狎玉皇夜夜御天姝當御者幾人百千為番
宛宛舒舒忽不自知支消體化膏露明湛然無色茵席
濡俄而散漫裊然虛無翕然復搏搏久而蘇精神如太
陽霍然照清都四肢為琅玕五臟為璫璣顏如芙蓉頂
為醍醐與天地相終始浩漫為歡娛下顧人間溷糞蠅
蛆

樊宗師

樊宗師字紹述河中人始為國子主簿元和中擢軍謀

宏遠科授著作佐郎歷金部郎中綿絳二州刺史進諫
議大夫未拜卒詩七百六十九篇今存一首

蜀綿州越王樓詩

并序

綿之城帝獨掀掀明威灑石硝馳涪瀨左陵凌

一作

凌紅棧簪天地一作池送行癸壬且掬跼踖于西北

蟠紅顏

一作顏

青越王貞故為樓重軒疊飛門明窗

蒙傘蹇蹇予始登謂日月昏晚可窺其背雷電合

風雲遇

一作邁

霜辛露酸星辰介行鬼神變化草木

顯一作顏繡髻銜蓑艾皆可察極既紫視其江帶又

極視其土岡斷暴遠近山嶮嶮若閨之束一作東皇

天原開見荆山我其黃音衍一作黃河澗一作澗然為曲

直淚雨落不可掩因口其心曰無害若一作苦其自

一作目果星星過歸果星星過歸尚悲不能解重為

詩以釋益不可顧謂郡中諸君能無有以以華艷

其念蓄一作綴云

危樓倚天門如闔星辰宮棟薄龍虎怪洄洄統雷風徂

秋試登臨大霽屯喬空不見西北路考懷益彫窮石瀨
薄濺濺上山杳穹穹昔人創一作爲逝所適配顏紅今
我茲之來猶按成歲功輟田植科畝遊圃歌芳叢地財
無叢厚人室安取豐既乏富庶能千萬慙丈翁

盧儲

盧儲貞元間人擢進士第一詩二首

催妝

李翱典郡江淮儲以進士投卷翱置几案間其女見之謂小青衣曰此人必為狀頭

翱聞選以為婿明年果第一人及第

昔年將去玉京遊第一仙人許狀頭今日幸為秦晉會
早教鸞鳳下妝樓

官舍迎內子有庭花開

一作題芍藥一作
迎內子題庭花

芍藥斬新栽當庭數朵開東風與拘束留待細君來

皇甫松

皇甫松湜之子自稱檀欒子詩十三首

古松感興

皇天后土力使我向此生貴賤不我均若為天地情我

家世道德旨意匡
文明家集四百卷
獨立天地經寄言
青松姿豈羨朱槿
榮昭昭大化光共
此遺芳馨

怨回紇歌

白首南朝女愁聽異域歌
收兵頡利國飲馬胡蘆河
毳布腥膻久穹廬歲月多
鵬巢城上宿吹笛淚滂沱

江上送別

祖席駐征棹開帆候信潮
隔筵桃葉泣吹管杏花飄
船去鷗飛閣人歸塵一作鹿
上橋別離惆悵淚江路濕紅蕉

採蓮子二首

菡萏香連十頃陂
小姑貪戲採蓮遲
晚來弄水船頭濕
更脫紅裙裏鴨兒

船動湖光灩灩秋
貪看年少信船流
無端隔水拋蓮子
遙被人知半日羞

拋毬樂

紅撥一聲飄輕毬
墜越綃帶翻金孔雀香滿繡蜂腰
少拋分數花枝正索饒

金盞花毬小，眞珠繡帶垂。
幾回衝蠟燭，千度入春懷。
上客終須醉，觥杯自亂排。

勸僧酒

勸僧一杯酒，共看青青山。
酣然萬象滅，不動心印一作即

閒

登郭隗臺

燕相謀在茲，積金黃魏魏。
上者欲何顏，使我千載悲。

楊柳枝詞二首

爛漫春歸水國時
吳王宮殿柳絲垂
黃鶯長叫空閨畔
西子無因更得知

春入行宮映翠微
玄宗侍女舞煙絲
如今柳向空城綠
玉笛何人更把吹

浪淘沙二首

灘頭細草接疎林
浪惡罾船半欲沈
宿鷺眠洲非舊浦
去年沙觜是江心

蠻歌豈寇北人愁
松雨蒲風野艇秋
浪起鵝鵲眠不得

寒沙細細入江流

句

夜入真珠室朝游玳瑁宮

紀事載松為牛僧孺表甥不相薦舉因襄陽大水極言諫

謗真珠乃牛愛姬也

馬異

馬異河南人與盧仝友善詩四首

送皇甫湜赴舉

馬蹄聲特特去入天子國借問去是誰秀才皇甫湜吞

含一作吐一腹丈八音無五色主丈有崔李郁郁為朝德

青銅鏡必明朱絲繩必直稱意太平年願子長相憶

貞元旱歲

赤地炎都寸草無百川水沸煮蟲魚定應焦爛無人救
淚落三篇古尚書

暮春醉中寄一作贈李千秀才

歡異一作喜且交親酒生開一作生甕春不須愁犯卯且

乞醉過申折草為籌筇鋪花作錦裯嬌鶯解言語留客

也殷勤

荅盧仝結交詩

有鳥自

一作分

南翔口銜一書札達我山之維開緘金玉

煥陸離乃是盧仝結交詩此詩峭絕天邊格力與文星

色相射長河拔作數條絲太華磨成一拳石莫嗟獨笑

一作秀

無往還月中芳桂難追攀況值亂邦不平年迴陵

倒谷如等閑與君俛首大艱阻喙長三尺不得語因君

今日形章句羨獼猴兮

一作子

著衣裳悲蚯蚓兮

一作子

安

翅羽上天不識

一作失

察仰我為遼

或作僚

天失所將吾劍

兮切淤泥使良驥兮捕老鼠昨日脫身卑賤籠卵星借

與老人峯抱鋤劇

一作築

地芸芝朮偃蓋參天舊有松朮

一作我

與松兮保身世卧居居兮起于于

一作吁吁

漱潺潺兮

聆嚶嚶道在其中可終歲不教辜負堯為帝燒我荷衣

摧我身回看天地如砥平鋼刀剗骨不辭去卑

一作畢

躬

君子今明明俛首辭山心慘惻白雲雖好戀不得看雲

且擬直須臾疾風又卷西飛翼為報覃懷心

一作新

結交

死生富貴存後凋我心不畏朱公叔君意須防劉孝標
以膠投漆若不早就中相去萬里道河水悠悠山之間
無由把袂攄懷抱憶全吟能文一作能文洽臭成蘭薰不知
何處清風夕擬使張華見陸雲

御定全唐詩卷三百六十九

欽定四庫全書

御定全唐詩卷三百七十

呂溫

呂溫字和叔一字化光河中人貞元末擢進士第因善王叔文再遷為左拾遺以侍御史使吐蕃元和元年乃還柳宗元等皆坐叔文貶溫獨免進戶部員外郎與竇羣羊士諤相昵羣為御史中丞薦溫知雜事士諤為御史宰相李吉甫持之不報溫乘間奏吉甫陰事詰辯皆

妄貶均州刺史議者不厭再貶道州久之徙衡州卒集
十卷內詩二卷今編詩二卷

白雲起封中詩

題中用韻
六十字成

封開白雲起漢帝坐齋宮望在泥金上疑生祕玉中攢
柯初繚繞布葉漸蒙籠日觀祥光合天門瑞氣通無心
已出岫有勢欲凌風儻遣成膏澤從茲遍大空

終南精舍月中聞磬聲詩

題中用韻
六十字成

月峰禪室掩幽磬靜昏氛思入空門妙聲從覺路聞冷

冷澗虛壑杳杳出寒雲天籟疑難辨霜鐘誰可分偶來
遊法界便欲謝人羣竟夕聽真響塵心自解紛

青出藍詩

題中有韻限
四十字成

物有無窮好藍青又出青朱研未

一作方

比德白受始成

形袍襲宜從政衿垂可問經當時不採擷作色幾飄零

奉和李相公早朝於中書候傳點偶書所懷奉

呈門下武相公中書鄭相公

禁門留騎吹內省正衣冠稍辨旂常色尚聞鐘漏殘九

天鑪氣

一作煖

煖六月玉聲寒宿霧開霞觀晨光泛露盤

致君期反樸求友得如蘭政自

一作出

同歸理言成共不

刊準繩臨百度領袖映千官卧鼓流沙靜飛航漲海安

盡規訓主意偕賦代交歡雅韻人間滿多慙竊和難

奉和武中丞秋日臺中寄懷簡諸僚友

時西蕃使廻奉

命追和

聖朝思紀律憲府得中賢指顧風行地儀形月麗天不

仁恒自遠為政復何先虛室唯生白閒情

一作門

却草玄

迎霜紅葉早過雨碧

一作綠

苔鮮魚樂翻秋水烏聲隔暮

煙舊遊多絕席感物遂成篇更許窮荒谷追歌白雪前

吐蕃別

一作列

館和周十一郎中楊七錄事望白

水山作

純精結竒狀皎皎天一涯玉嶂擁清氣蓮峰開白花半

巖晦雲雪高頂澄煙霞朝昏

一作暮

對賓館隱映如仙家

夙聞蘊孤尚終欲窮幽遐暫因行役暇偶得志所嘉明
時無外戶勝境即中華況今舅甥國誰道隔流沙

奉和張舍人閣中直夜思聞雅琴因書事通簡僚友

迢遞天上直寂寞丘中琴憶爾山水韻起予仁智心凝
情在正始超想疎煩襟涼生子夜後月照禁垣深遠風
靄蘭氣微露清桐陰方襲緇衣慶永奉南薰吟

和舍弟惜花絕句

時蕃中
使回

去年無花看今年未看花更聞飄落盡走馬向誰家

和恭聽曉籠中山鵲

掩仰中天意悽愴觸籠音驚曉一聞處傷春千里心

和舍弟讓籠中鷹

未用且求安無猜也不殘九天飛勢在六月日晴寒動
觸樊籠倦閒消肉食難主人憎惡鳥試待一呼看

同恭夏日題尋真觀李寬中秀才書院

閑一作間院開軒笑語闌江山併入一壺寬微風但覺杉

香滿烈日方知竹氣寒披卷最宜生白室吟詩好就步
虛壇願君此地攻文字如煉仙家九轉丹

同舍弟恭歲暮寄晉州李六協律三十韻

古人猶悲秋況復歲暮時
急景迫流念窮陰結長悲
陽烏下西嶺月鵲驚南枝
攬衣步霜砌倚杖臨冰池
怱怱若有失悄悄良不怡
忽聞晨起吟宛是同所思
有美壯感激無何遠棲遲
摧藏變化用掩仰扶搖姿
時傑豈虛出天道信可欺
巨川望汜濟寒谷待潛吹
劒匣益精利玉韜一作韜寧磷緇
戒哉輕沽諸行矣自寵之
伊我抱微尚仲氏即心期
討論自少小形影相差池
比來胸中氣

欲耀天下奇雲雨沛蕭艾煙閣雙萎蕤幾年困方枘一
旦迷多歧道因窮理悟命以盡性知事去類絕弦時來
如轉規伊吕偶然得孔墨徒爾為早行多露悔強進觸
藩羸功名豈身利仁義非吾私萬物自身一作生化一夫
何驅馳不如任行止委命一作分安所宜勸君休感歎與
予陶希夷明年郊天後慶澤歲華滋曲水杏花雪香街
青柳絲良時且暫歡樽酒聊共持閒過漆園叟醉看五
陵兒寄言思隱一作所思處不久來相追

青海西寄竇三端公

時同事弗同窮節厲陰風我役流沙外君朝紫禁中從
容非所羨辛苦竟何功但示酬恩路浮生任轉蓬

蕃中拘留歲餘迴至隴石先寄城中親故

蓬轉星霜改蘭陔色養違窮泉百死別絕域再生歸鏡
數成絲髮囊收杖血衣酬恩有何力祇棄一毛微

吐蕃別

一作列

館卧病寄朝中諸友

星漢縱橫車馬喧風搖玉佩燭花繁豈知羸卧窮荒外

日滿深山

一作山頭

猶閉門

吐蕃別

一作列

館中和日寄朝中僚舊

清時令節千官會絕域窮山

一作荒

一病夫遙想滿堂歡

笑處幾人緣

一作似

我向西隅

及第後荅潼關主人

本欲雲雨化却隨波浪翻一沾太常第十過潼關門志

力且虛棄功名誰復論主人故

一作固

相問暫笑不能言

河中城南姚家浴後題贈主人

新浴振輕衣滿堂寒月色主人有美酒況是曾相識

看渾中丞山桃花初有他客不通晚方得入因

有戲贈

朝來駐馬香街裏風度遙聞語笑聲無事閉門教日晚
山桃落盡不勝情

贈友人

南山雙喬松擢本皆千尋夕流膏露津朝被青雲陰負
雪出深澗搖風倚高岑明堂久不構雲幹何森森匠意

方雕巧時情正誇淫生材會有用天地豈無心

道州夏日郡內北橋新亭書懷贈何元二處士
結構池梁上登臨日幾迴晴空交密葉陰岸積蒼苔
氣中央滿清風四面來振衣生羽翰高枕出塵埃齊物
魚何樂忘機鳥不猜閒銷炎晝靜逸勝火雲開僻遠宜
孱性優游賴廢材願為長泛梗莫作重然灰守道窮非
過先時動是灾寄言徐孺子賓榻且徘徊

道州弘道縣主簿知縣三年頗著廉慎秩滿縣

闕申使請留將赴衡州題其廳事

為理賴同力陟明非所任廢田方墾草新拓未成陰術
淺功難就人疲感易深煩君駐歸棹與慰不欺心

道州將赴衡州酬別江華毛令

此人好書破百
姓布絹頭及妄

杖行

布帛精麤任土宜疲人識信

一作性

每先

一作相

期明朝別

後無他囑雖是蒲鞭也莫施

道州夏日早訪荀

一作苗

參軍林園敬酬見贈

高眠日出始開門竹徑旁通到後園
陶亮橫琴空有意
任棠置水竟無言
松窗宿翠含風薄
槿援一作院
朝花帶
露繁山郡本來車馬少
更容相訪莫辭喧

道州敬酬何處士懷郡樓月夜之作

清質悠悠素彩融
長川

一作天

迥

一作迴

陸合

一作向

為空佳

人甚近山城閉夏

一作

夜相望水鏡中

道州敬酬何處士書情見贈

意氣曾傾四國豪
偶來幽寺息塵勞
嚴陵釣處江初滿

梁甫吟時月正高新識幾人知
杞梓故園何歲長蓬蒿
期君自致青雲上不用傷心歎二毛

戲贈靈澈上人

僧家亦有芳春興自是禪心

一作心源

無滯境君看池水湛

然時何曾

一作時

不受花枝影

二月一日是貞元舊節有感絕句寄黔南賓三

洛陽盧七

一作寄賓三任黔南盧七任洛陽

同事

一作侍

先皇立玉墀中和舊節又支離
今朝各自看

花處萬里遙知掩淚時

初發道州答崔三連州題海陽亭見寄絕句

吏中習隱好躋攀不擾疲人便自閑聞說慇懃海陽事
令人轉憶舜祠山

答段秀才

盡日看花君不來江城半夜與一作為君開樓中共指南

園火紅燼隨花落碧苔

宗禮欲往桂州苦雨因以戲贈

農人辛苦綠苗齊正愛梅天水滿堤知汝使車行意速

但令驄

一作駿

馬著鄆泥

道州奉寄襄陽裴相公

悠悠世路自浮沉豈問

一作聞

仁賢待物心最憶過時留

宴處艷歌催酒後亭深

御定全唐詩卷三百七十